



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Venerabili Eucharistiæ Sacramento Decisiones Theologico-Legales

Chiericato, Giovanni Maria

Augustæ Vindellicorum, 1730

Decisionis XXXVII. Ad Augusti Quæsitum secundum. Argumentum. Elucidantur duo: videlicet, Quæ requirantur in Sacerdote ad validam, & quæ, ad licitam Eucharistiæ consecrationem? Pro primo tria requiri. ...

[urn:nbn:de:hbz:466:1-94643](https://nbn-resolving.org/urn:nbn:de:hbz:466:1-94643)

DECISIONIS XXXVII.

Ad Augusti Quæsitum secundum.

ARGUMENTUM.

Elucidantur duo, videlicet: Quæ requirantur in Sacerdote ad validam, & quæ, ad licitam EUCHARISTIÆ consecrationem? Pro primo tria requiri. Pro secundo, undecim demonstrantur non ignoranda à Sacerdotibus tum Sæcularibus, tum Regularibus.

SUMMARIUM.

- 1 Ordo Sacerdotalis necessarius in Ministro consecrationis Eucharistiæ.
- 2 Potestas jurisdictionis in Sacerdote impeditur per ordinationem habitam ab Episcopo Schismatico, vel hæretico.
- 3 Potestas characteris est validè, sed non licitè in ordinato ab Episcopo hæretico, vel schismatico.
- 4 Verba consecrationis sunt proferenda super materia consecranda.
- 5 Eucharistia, ut licite consecratur, sunt necessaria undecim. Et quæ?
- 6 Peregrinus Sacerdos non potest licitè celebrare nisi obtenta licentia ab ordinario loci.
- 7 Regulares permittentes, externos Sacerdotes celebrare in eorum Ecclesiis sine licentia Ordinarii, possunt ab eo puniri.

QUÆSITUM SECUNDUM.

Quæ requirantur in Sacerdote ut validè, & licitè possit consecrare Sanctissimam Eucharistiæ?

Duo hic requiruntur, Unum ut validè, alterum ut licitè; & de utroque singillatim est respondendum.

- Quo ad primum: Requiritur in Sacerdote,
- 1 ut characterem ordinis Sacerdotalis receperit sive à Catholico, sive à Schismatico Episcopo, & verba consecrationis proferat super materia, id est pane, & vino, cum intentione consecrandi. Itaque debet habere characterem Ordinis Sacerdotalis, receptum in ordinatione vel ab Episcopo Catholico, de quo nullum est dubium; vel etiam ab Episcopo Schismatico; quia, si contulerit ordinem Presbyteratus servata forma Ecclesiæ, valida erit ordinatione, impressus erit character; & vigore ejus sic ordinatus valide consecrabit Sacram Eucharistiæ cap. ostenditur. de Consecr. dist. 4. cap. quoddam 1. q. 1. cap. præter 8. verum 8. Ad hoc ubi Glos. in verb. Formam dist. 32. duplex enim est potestas, quæ
 - 2 per ordines sacros confertur, una jurisdictionalis, ut absolvendi, censuras fulminandi, & indulgentias concedendi; & hæc impeditur, & aufertur per hæresim, aut schisma, vel alia gravia delicta. cap. 1. & 2. ubi DD. & Glos. de Schismaticis. Alia est sacramentalis, & dicitur potestas characteris, consistens in facultate conficiendi Corpus Christi, conferendi Ordines, & chrismata; & hæc, quia provenit à Deo, & indelebiter inhaeret characteri, & personæ ordinate, non potest auferri ab ordinato, quin validè consecret Eucharistiæ, & conferat Ordines; quamvis licitè, ut dicam infra, hoc facere non possit. S. Thom. 2. 2. q. 39. art. 3. Suarez. de Censur. disput. 31. sect. 1. num. 61. Et ex Canonistis Archidiaconus & Franchus in cap. 2. num. 3. & 4. de Pœnis in 6. Torrecrem. de Eccles. lib. 4. p. 1. cap. 7. Pignatell. tom. 8. consult. 92. ubi num. 3.

subdit, quod quando Sacramenta conficiuntur à Schismatico secundum formam Ecclesiæ, si ultra gratiam non expectant aliam executionem, cujusmodi sunt Baptismus, consecratio Eucharistiæ, & Extrema Unctio, valida sunt, nam Schismaticus Sacerdos consideratur in ipsis non tanquam instrumentum Ecclesiæ, sed tanquam instrumentum Dei; quamvis recipientes ab eo peccent mortaliter, nisi excusentur vel ob ignorantiam, vel ob extremam necessitatem. Glos. Abb. & Soccin. in cit. cap. 1. De Schismat. Si verò ultra gratiam desiderant executionem, pro legitimo exercitio, hæc deficit in hæreticis, & schismaticis, aliisque per censuras ab Ecclesia impeditis. cap. Loquitur, &c. Omnibus 24. q. 1. S. Thom. incit. q. 39. art. 3. & Sotus in 4. dist. 13. art. 8. & novissimè, ac conclusenter pluribus argumentis demonstrat Emin. Cardin. de Lauræa de Eucharist. disp. 24. art. 1. num. 4. & 5. Additum est, ut proferat verba consecrationis super materia propria, id est pane, & vino; & cum intentione consecrandi; quia hæc sunt de substantia uniuscujusque Sacramenti, sicut definitum est in Concil. Florentino sub Eugenio IV. post. ult. sess. 5. quinto. S. Thom. 3. part. qm. 60. art. 4. 5. & 6. Catechism. Rom. de Sacram. in gener. cap. 15. & Emin. Cardin. de Lauræa de Euch. d. disp. 24. num. 17.

Quo ad secundum; ut Sacerdos possit licitè Sacram Eucharistiæ consecrare, requiruntur undecim, *Primò*, ut sit in gratia, & mundus à culpa lethali. *Secundò*, ut sit liber à censuris, & irregularitatibus tam ex defectu, quam ex delicto. *Tertiò*, ut habeat vestes sacras, Amictum, Albam, Cingulum, Manipulum, Stolum, & Casulam, Calicem cum Patena, & Millali. *Quarò*, ut locus sit deputatus ad celebrandum, nempe Ecclesiæ, vel Oratorium approbatum. *Quintò*, ut sit Altare lapideum, chrismate delibutum. *Sextò*, ut adsint ornamenta Altaris, tobaleæ, Crux, & lumina. *Septimò*, ut celebratio, & consecratio fiat in tempore permisso, nempe ab Aurora usque ad meridiem, exceptis Privilegiatis. *Octavò*, ut Sacerdos consecraturus sit jejunus. *Nonò*, ut adsit, qui ministret, & respondeat Sacerdoti. *Decimò*, ut servet Sacerdos ritus, caeremonias, & alia præscripta in Rubricis Missalis Romani; de quibus omnibus late discurret Emin. Cardin. de Lauræa d. disp. 24. de Eucharist. toto art. 2. & Tamburinus toto lib. 1. de Sacrificio Missæ. Tandem *Undecimò*, ut sit approbatus pro celebratione ab Episcopo Ordinario loci; nam si Sacerdos fuerit peregrinus, non poterit licitè conficere Corpus, & Sanguinem Domini in aliena Diocesi, nisi obtenta licentia Ordinarii, prævia exhibitione litterarum commendatitiarum sui Episcopi ad normam Sacrorum Canonum innovatorum à S. Concil. Trident. sess. 23. de ref. cap. 16. adeò ut extero, ac peregrino Sacerdoti licitum non sit celebrare sine licentia Diocesani neque in Ecclesiis Regularium: quos, si inobedientes sint, Episcopus poterit punire. Barbol. in collect. ad dist. sess. 23. cap. 16. num. 9. & seqq. & ad sess. 22. cap. 8. de Sacrif. Adissa num. 36. Idem Barbol. De Jure Eccles. Univers. lib. 1. cap. 11. num. 30. Pax Jordan. tom. 1. lib. 4. tit. 1. num. 362. & tom. 2. lib. 7. tit. 14. num. 188. Novissimè Pignatell. tom. 8. consult. 42. a. n. 4. & seqq. ubi alios cumulat, & notat ita fuisse responsum à Sacra Congregat. 2. Novembr. 1594. Item 2. Julii 1620. nec non die 17. Augusti 1630.

DE-